

## KOLOSI

<sup>1</sup> E Pol. Kristus Yesus na e qarınbej deqa e aqa anjam mare mare laqnum. Qotei aqa segi areqalo na e wau di ebej.

<sup>2</sup> Aqo gago was Timoti wo anjam endi nengrenyosim nungoq qarınyonum. Niŋgi gago Kristen was bole. Niŋgi Qotei aqa segi tamo ungasari Kolosi qureq di unub qaji. Niŋgi Kristus qa nungo areqalo siŋgilateqnum. Gago Abu Qotei a niŋgi qa are boleiyimqa niŋgi lawo na soqniy.

*Kolosi Kristen nanŋi Yesus qa nanŋo areqalo siŋgilateb*

<sup>3</sup> Aqo Timoti wo gaigai niŋgi qa pailyoqnsimqa gago Tamo Koba Yesus Kristus aqa Abu Qotei biŋiyeqnum.

<sup>4</sup> Aqo aiyel niŋgi qa anjam bei endegsi quem. Niŋgi Kristus Yesus qa nungo areqalo siŋgilatoqnsib Qotei aqa segi tamo ungasari kalil nanŋi qalaqalainjreqnum.

<sup>5-6</sup> Nami Yesus aqa anjam bole nungoq bonaqa niŋgi queb. Qusibqa bini inŋi bole bole Qotei na laŋ goge dia gereiyetŋgej qaji di niŋgi oqajqa tariŋeqnum. Yesus aqa anjam bole di sawa sawa kalilq gileqnaqa tamo ungasari gargekoba nanŋi quoqnsib nanŋo areqaloq di siŋgilatoqnsib kumbra bole bole yeqnum. Niŋgi dego kumbra bole bole yeqnum. Qotei a iga qa are boleiyej anjam bole di niŋgi qusib poinŋonaqa bati deqa niŋgi kumbra bole yqajqa utru ateb.

<sup>7</sup> Anjam di Epafra a ningi merngonaq qusib poingej. Epafra a iga ti Kristus aqa wau tamo bole unum. Iga Epafra tulan qalaqalaiyeqnum. A singila na ningi aqaryaingoqnsiq Kristus aqa wau ojeqnu.

<sup>8</sup> A ningi qa endegsi iga saigej, “Qotei aqa Mondor na Kolosi Kristen nanngi singilatnjreqnaqa nanngi qalaqalaiyo kumbra dauryeqnub.”

*Pol a gaigai Kolosi Kristen nanngi qa Qotei pailyeqnu*

<sup>9</sup> Iga nami quem, ningi kumbra bole di yeqnu. Bati deqa iga ningi qa pailyqa utru atem. Bini iga gaigai ningi qa pailyoqnsim unum. Iga endegsi pailyeqnum, “O Abu, ni na Kolosi Kristen nanngi aqaryainjrimqa nanngi ino areqalo geregere poinjrqa. Amqa ino Mondor na nanngi powo koba enjroqnmqa nanngi ino anjam kalil bole qalieoqngab.

<sup>10</sup> Osib nanngi kumbra kalil Tamo Koba a tulan areareteqnu qaji di yoqnsib walweloqngab. O Qotei, ni na nanngi aqaryainjroqnmqa nanngi wau bole bole yoqnsib ni qa geregere qalieoqngab nanngo qalie di tulan kobaoqngas.

<sup>11</sup> Ni ino segi singila kobaquja na nanngi singilatnjroqnm nanngi gulbe kalil qoboioqngab. Osib lawo na sosib tulan areboleboleinjroqngas.”

<sup>12</sup> O ijo was, iga degsim ningi qa Abu pailyeqnum. Deqa ningi a binjiyoqnsib soqniy. A na ningi keretngej deqa ingi bole bole a nami lan goge dia gereiyetngej qaji di ningi mondon oqsib oqab. Agi ningi ti Qotei aqa segi tamo ungasari kalil suwanjoq di unub qaji nanngi ti ingi di oqab.

<sup>13</sup> Nami iga ambruq di soqnem. Ambru aqa singila dena iga taqatgesoqnej. Onaqa bunuqna Qotei na iga ambruq dena elenosiqa aqa segi Niri qujai tulan qalaqalaiyeqnu qaji aqa sorgomq di iga atej unum. Deqa bini Yesus a gago Mandor Koba sosisq iga taqatgeqnu.

<sup>14</sup> A na iga awaisiq a gago une kobotetgej.

*Pol a Yesus aqa kumbra ti wau ti deqa anjam saej*

<sup>15</sup> Yesus a segi Qotei. Gago namdamu na iga Qotei unqa keresai. Ingi ingi kalil Qotei na gereinjrej qaji di Yesus a segi utru.

<sup>16</sup> Yesus aqa wau na Qotei na ingi ingi kalil lan ti mandam ti di unub qaji di gereinjrej. Ingi ingi kalil gago namdamu na uneqnum qaji ti gago namdamu na unqa keresai qaji ti di Yesus aqa wau na Qotei na gereinjrej. Lan goge qaji singila ti lan angro nanqi ti mandor kokba ti mondor nanqi ti kalil di Yesus aqa wau na Qotei na gereinjrej unub. Ingi ingi kalil di Yesus a segi utru. Di aqa segi ingi ingi.

<sup>17</sup> Tulan nami ingi ingi kalil di brantosaisonaqa Yesus a soqnej. A na ingi ingi kalil di geregere taqateqnu deqa ingi ingi kalil degsi bole unub.

<sup>18</sup> Yesus a Kristen tamo ungasari nanjo gate. Nanqi aqa jejamu bul. A nanjo nambile qa utru. A tamo kalil nanqi qa namoosiq subq na tigelej deqa a segi qujai ingi ingi kalil nanjo gate.

<sup>19</sup> Qotei aqa are koba endegsi unu. Aqa segi nambile ti kumbra ti kalil aqa Niri Yesus aqaq di soqnim Qotei a segi Yesus aqaq di keretosim maqesqas.

<sup>20</sup> Osim a Yesus aqa wau na ingi ingi kalil mandam ti lan ti di unub qaji nanqi tingitnjrimqa

nanği a ombla geregere lawo na sqab. Aqa are koba degsi unu deqa a na Yesus qarınƷonaqa a Ʒamburbasq di moinaqa aqa lenj aiyej qaji dena a jeu kobotosıqa ıga olo elenej.

<sup>21</sup> Nami niŷgi Yesus qa isaq di soqneb. Niŷgi nuŷgo segi areqalo na laqnsibqa Qotei ti jeu atoqnsib kumbra uge uge yoqneb.

<sup>22</sup> Ariya bunuqna Yesus a Ʒamburbasq di moiyej aqa kumbra dena Qotei na jeu kobotosıqa niŷgi olo elenej. A degyej. Di kiyaqa? A na niŷgi metŷgim niŷgi aqa areq bosib aqa segi kumbra boleq di sosib aqa Ʒamgalaq di tamo bole une saiqoji sqajqa deqa.

<sup>23</sup> Deqa ijo was kalil, une bei na niŷgi titŷgwa laqnimqa Yesus aqa anjam bole niŷgi queb qaji di nuŷgo areqaloq di olo singilatoqniy. Di urataib. Niŷgi iŷgi bole bole Qotei a nami niŷgi engwa marej qaji di oqajqa tariŷoqniy. Osib singila na tigelesoqniy. E Pol. E Qotei aqa wau tamo. E na Yesus aqa anjam bole di tamo uŷgasari kalil mandamq endi unub qaji nanği minjre minjre laqnum.

*Pol a Kolosi Kristen nanği aqaryainjrqa marsiq jaqatiŷ koba eqnu*

<sup>24</sup> Kristus aqa tamo uŷgasari nanği aqa segi jejamu bul. A na nanği aqaryainjrqa marsiq jaqatiŷ koba ej. Aqa jaqatiŷ di koboosaiunu deqa e dego nanği qa ti niŷgi qa ti osimqa ijo segi jejamuq di jaqatiŷ koba eqnum. Ijo kumbra dena e na Kristus aqa jaqatiŷ kereteqnum. E ijo jaqatiŷ deqa tulaŷ areboleboleibeqnu.

<sup>25</sup> Qotei a segi na e giltbej deqa e Kristus aqa tamo uŷgasari nanği qa waueqnum. Ijo wau

agiende. E Qotei aqa anjam kalil mare mare laqnum. Di ningi aqaryainjwajqa deqa.

<sup>26</sup> Tulaŋ nami Qotei aqa anjam di uliesoqnej. Deqa tamo ungasari kalil nanŋi aqa anjam di qalieosaisoqneb. Uliesosiq bosiq bosiq ariya bini Qotei na aqa anjam di olo boleq ateqnaqa aqa segi tamo ungasari nanŋi quoqnsib poinjreqnu.

<sup>27</sup> Qotei aqa segi areqalo na uli anjam di boleq atoqnsiqqa iga osorgeqnu. Deqa iga endegsi poigeqnu, bole, Qotei na sawa bei bei qaji nanŋi aqaryainjreqnu. Uli anjam di tulaŋ bolequja. Aqa damu agiende. Kristus a nunŋo ambleq di unu. Mondon a na ningi elenjosim laŋ qureq joqsi oqimqa dia ningi inŋi tulaŋ bole bole oqab. Ningi inŋi di oqajqa tariŋoqnsib unub.

<sup>28</sup> Iga na tamo ungasari kalil nanŋi Kristus aqa anjam minjreqnum. Iga powo bole ti sosim anjam di singila na minjreqnum. Iga degyeqnum. Di kiyaca? Nanŋi gago anjam di qusib Kristus aqa kumbra torei dauryekritosib soqneb iga na nanŋi joqsim Qotei aqa areq di atqajqa deqa.

<sup>29</sup> E deqa wau koba yeqnum. Kristus aqa singila kobaquja Qotei na ebej qaji dena e wau koba yoqnsim laqnum.

## 2

### *Ningi gisanj anjam dauryaib*

<sup>1</sup> O ijo was, ningi endegsib qalieoiy. E ningi qa ti Kristen tamo ungasari Laodisia qureq di unub qaji nanŋi qa ti tamo ungasari kalil ijo ulatamu unosaieqnum qaji nanŋi qa ti wau koba yeqnum.

<sup>2</sup> E ningi kalil are singilatetngitqa ningi segi segi qa qalaqalaiyo kumbra yoqnsib are qujaitosib sqajqa deqa osim wau koba yeqnum. Ijo are koba endegsi unu. Ningi powo bole osib Kristus qa nungo areqalo torei singilaboletosib dena ningi Qotei aqa uli anjam geregere qalieqab. Kristus a segi uli anjam di aqa utru.

<sup>3</sup> Qalie ti powo ti kalil aqaq di uliejunu.

<sup>4</sup> E ningi anjam degsi merngonum. Di kiyaaqa? Tamo bei na bosim ningi gisanqosim walawala anjam bei mernqimqa ningi qusib dauryaib deqa.

<sup>5</sup> E bini ningi koba na sosai. E isaq endi unum. Ariya ningi ijo are miligiq di unub deqa e ningi ti sobulejunum. E qalieonum, ningi wau bole yoqnsib nungo areqalo Kristus qa geregere singilatoqnsib unub. Deqa e ningi qa tulan areboleboleibeqnu.

### *Iga Kristus taqyosim nambile bole oqom*

<sup>6</sup> Ningi nami Tamo Koba Kristus Yesus osib nungo areq di ateb deqa ningi aqa kumbra na walweloqniy.

<sup>7</sup> Mandam na nam jirim ojesonaqa nam a singila na tigelejunu dego kere ningi Yesus osib nungo are miligiq di singilatosib aqa kumbra dauryoqniy. Yesus aqa anjam bole iga na merngoqnem qaji di ningi bati gaigai nungo areqaloq di singilatosib soqniy. Osib ningi gaigai Qotei binjyoqniy.

<sup>8</sup> O was ningi geregere nam atoqniy. Tamo qudei na bosib ningi nango anjam dauryqajqa walawalaingwab. Nanqi nango segi powo na ti gisan anjam na ti ningi walawalaingwab. Deqa ningi nango anjam di dauryaib. Tamo nanqi di

nanngo moma nanngo anjam dauryeqnub. Osib mondor uge uge lan ti mandam ti taqatejunub qaji nanngo anjam dego dauryeqnub. Nanngi Kristus aqa anjam dauryosaieqnub.

<sup>9</sup> Ningi qalie, Kristus a tamo bulyosiq gago ambleq di soqnej. Qotei aqa segi nambile ti kumbra ti kalil Kristus aqaq di keretosiq maqejunu.

<sup>10</sup> Ingi ingi kalil singila ti unub qaji nanngo gate koba agi Kristus. Ningi Kristus aqa segi tamo ungasari unub deqa Qotei na ningi nambile engej. Nambile di nunngoq di tulan keretosiq maqejunu.

<sup>11</sup> Ningi Kristus taqyejunub deqa ningi mulun bole ayejunub. Di jeyamu qaji mulun sai. Ningi Kristus aqa kumbra na nunngo areqalo namij kalil urateb. Kumbra di mulun bole aqa utru.

<sup>12</sup> Ningi yanso eb bati deqa ningi Kristus beteryosib a ti moyobuleb. Onaqa Qotei na ningi Kristus ombla subq atobulej. Qotei na Kristus olo subq na tigeltej bati deqa a na ningi Kristus ombla subq na tigeltngobulej. Di kiyaaqa? Ningi Kristus qa nunngo areqalo singilateb deqa.

<sup>13</sup> Nami ningi une yoqnsib laqnsib nunngo areqalo namij dauryoqneb. Dena ningi morenesobuleb. Onaqa Qotei na ningi olo Kristus koba na nambile engsiqa nunngo une kalil kobotetngej.

<sup>14</sup> Nami dal anjam a gago une kalil boleq atsiq iga jeutgej deqa iga dal anjam aqa sorgomq di soqnem. Sonamqa Qotei na olo dal anjam mutu kalil di taqal waiyosiq dal anjam aqa singila kobotosiq Kristus aqa namburbasq di qamej.

<sup>15</sup> Kumbra dena Qotei na mondor uge uge nanngi

ti nanngo gate kokba ti kalil nanngo singila kobotet-njrej. Osiqa qoto singilaosiqqa nanngi kalil tulan bunnjrej. Kristus a namburbasq di moiyej wau dena Qotei a qoto singilaonaq tamo ungasari kalil nanngi unekriteb.

*Ninggi Kristus koba na morenjobuleb deqa ningi dal anjam aqa sorgomq di sosai*

<sup>16</sup> Deqa tamo bei na nunngo jejamuq di anjam qametngosim endegsi merngaiq, “Ninggi ingi uyo ti ya uyo ti yori bati ti bai qala bunuj ti getentoqniy.”

<sup>17</sup> O ijo was, kumbra deqaji sen qunun bul damu saiqoji. Kumbra dena ingi bole bole mondoj brantqas qaji di iga lanja suwi osorgeqnu. Ariya Kristus a segi ingi bole bole deqa utru.

<sup>18</sup> Tamo qudei na ningi endegsib merngwab, “Ninggi nunngo segi nam aguq atoqnsib olo lan angro nanngi qa louoqniy. Iga neiobilqei na kumbra di unem deqa ningi degyiy.” O ijo was, ningi tamo di nanngo anjam quetnjraib. Tamo deqaji nanngi nanngo segi areqalo namij dauryeqnub. Osib mareqnub, “Iga powo bole ti unum.”

<sup>19</sup> Tamo deqaji nanngi Kristus beteryosaieqnub. Kristus a gago gate. Iga aqa jejamu qujai. Iga aqa singa ti ban ti bul. A na iga singilatgeqnu deqa iga kalil jejamu qujaiq di turtobuloqnsim Qotei aqa wau na boleqnsim singilaeqnum.

<sup>20</sup> Ningi Kristus koba na morenjobuleb deqa ningi mondor uge uge lan ti mandam ti taqatejunub qaji nanngo sorgomq di sosai. Deqa kiyaaq ningi olo mandam tamo nanngo kumbra dauryeqnub? Kiyaaq ningi nanngo dal anjam dego dauryeqnub?



<sup>21</sup> Nanngo dal anjam agiende, “Ni inġi di ojaim. Ni inġi di uyaim. Inġi di ino jejamuq di betermajq.” O ijo was, niġi kiyafa dal anjam di dauryeqnub?

<sup>22</sup> Dal anjam di jejamu qa inġi inġi qa anjam. Iga jejamu qa inġi inġi qa are qaloqnqom di iga padalqom. Inġi inġi di urur koboqab. Dal anjam deqaji mandam tamo nanġi na babteqnub.

<sup>23</sup> Bole, iga endegsi unobuleqnum. Dal anjam dena tamo qudei nanngo are tigeltetnjreqnaqa nanġi louoqnsib nanngo segi ñam aguq atoqnsib nanngo jejamu qaloqnsib sinġilateqnub. Deqa nanġi are qaleqnub, dal anjam dena powo bole babteqnu. Di sai. Niġi quiy. Dal anjam dena iga aqaryaigwa keresai. Iga dal anjam di dauryqom dena iga gago segi areqalo namij uratqa keresai bole sai.

### 3

#### *Kristus a gago ħambile qa utru*

<sup>1-2</sup> O ijo was, Qotei a niġi Kristus ombla subq na tigeltngobulej deqa niġi lan goge qaji inġi inġi oqajqa wauoqniy. Kristus a lan goge oqsiq Qotei aqa ban woq di awejunu deqa niġi gaigai lan goge qaji inġi inġi oqajqa are qaloqniy. Niġi mandam qaji inġi inġi qa are koba qaloqnaib.

<sup>3</sup> Niġi morenjobulosib olo ħambile eb. Nunngo ħambile di agi Kristus aqaq di uliesonaqa niġi Qotei beteryejunub.

<sup>4</sup> Kristus a nunngo ħambile qa utru. Mondon a boleq dimqa niġi dego a koba na Qotei aqa rian ti wala ti boleq dqab.

#### *Niġi kumbra uge kalil uratekritiy*

<sup>5</sup> Deqa nıngi mandam qaji kumbra kalil nuńgo are miligiq di unu qaji di moyoty. Mandam qaji kumbra agi ubtosiy mernıgwai. Sambala kumbra ti, kumbra jiga ti, kumbra uge uge yqajqa are prunıgoqa, mandam qa ıngi ıngi qa mauıngoqa di kalil moyoty. Mamaul kumbra di gisan qotei qa louo bul.

<sup>6</sup> Tamo nanıgi kumbra deqaji yeqnub qaji nanıgi mondon Qotei na awai uge enrsim nanıgi qa minjin oqetqas. Tamo nanıgi di Qotei aqa anjam gotranıyo qaji tamo.

<sup>7</sup> O ıjo was, nami nıngi dego tamo deqaji nanıgi koba na laqnsibqa kumbra di yoqneb.

<sup>8</sup> Ariya bini nıngi kumbra kalil di uratekritiy. Nırin ti minjin ti are uge ti yomu anjam ti anjam jiga ti di kalil uratekritiy.

<sup>9</sup> Nıngi nuńgo areqalo namij aqa kumbra uge kalil qoreiyeb deqa nıngi olo nuńgo Kristen was nanıgi gisan anjam minjroqnaib.

<sup>10</sup> Nıngi so bunujq di unub. Qotei a segi na nuńgo so bunuj di gereiyetınej. Osiqa a na gaigai nıngi powo bole engeqnu. A na nıngi a bul sqa marsiqa nuńgo so bunuj di gereiyetınej.

<sup>11</sup> Iga so bunujq di unum deqa ıga kalil kerekere unum. Deqa ıga endegsi marqasai, “E Grik qaji” o “E Juda qaji” o “E mulun aıyo qaji” o “E mulun aıyosai qaji” o “E yaun tamo” o “E yamban tamo” o “E kanıal tamo” o “E kanıal tamo sai.” Iga degsi marqasai. Di kiyaqas? Kristus a gago kalil qa Tamo Koba. A segi qujai na ıga keretgejunu.

*Nıngi nuńgo Kristen was nanıgi qa duloqniy*

<sup>12</sup> Qotei a ningi aqa segi qa marsiq gilitngej deqa a na ningi tulan qalaqalaingeqnu. Deqa ningi kumbra endegyoqniy. Ningi nungo Kristen was nanji qa duloqnsib kumbra bole bole enjroqniy. Osib ningi nungo segi ñam aguq atoqnsib tamo nanji lawo na gereinjroqniy. Tamo qudei na ningi une bei enjibqa ningi kamba olo nanji qa urur minjin oqaiq.

<sup>13</sup> Kristen tamo bei na ningi gulbe engimqa unqum gulbe di qoboyosib aqa une kobotetiy. Ningi degiy. Di kiyaaqa? Tamo Koba a na nungo une kobotetngej deqa.

<sup>14</sup> Ningi qalaqalaiyo kumbra yoqniy. Qalaqalaiyo kumbra na kumbra kalil tulan bunjreqnu. Deqa ningi kalil koba na areqalo qujaitosib nungo Kristen was nanji qalaqalainjroqniy.

<sup>15</sup> Kristus a na iga lawo kumbra egeqnu deqa kumbra dena nungo are miligi taqatesoqneme. Qotei na ningi metngej deqa ningi jejamu qujai bul sosib Qotei binjiyoqniy.

<sup>16</sup> Osib ningi Kristus aqa anjam nungo are miligiq di singilatib soqnem. Soqnim ningi na nungo Kristen was nanji areqalo bole ti powo ti osornjroqniy. Ningi nungo are miligiq di Qotei binjiyoqnsib a qa louoqniy. Lou qudei nengrenq di unu qaji dena ti lou qudei Qotei aqa Mondor na nungo are miligiq di tigelteqnu qaji dena ti ningi Qotei qa louoqniy.

<sup>17</sup> Nungo anjam maro na ti nungo wau na ti nungo kumbra kalil na ti ningi Tamo Koba Yesus aqa ñam soqtoqniy. Osib ningi aqa ñam na Abu Qotei binjiyoqniy.

*Pol a tamo ti unḡa ti anḡro ti nanḡi anjam minḡrej*

<sup>18</sup> O unḡasari, ninḡi nunḡo tamo nanḡo sorgomḡ di soḡniy. Ninḡi deḡyḡab di Tamo Koba a ninḡi ḡa tulaḡ areboleboleiyḡas.

<sup>19</sup> O tamo, ninḡi nunḡo ḡauḡ nanḡi tulaḡ ḡalaḡalainḡroḡniy. Ninḡi nanḡo are ugetetnḡraib.

<sup>20</sup> O anḡro, ninḡi gaigai nunḡo ai abu nanḡo anjam dauryoḡniy. Ninḡi deḡyḡab di Tamo Koba a ninḡi ḡa tulaḡ areboleboleiyḡas.

<sup>21</sup> O abu, ninḡi na nunḡo anḡro nanḡo are ugetetnḡraib. Ninḡi nanḡo are ugetetnḡrḡab di nanḡi are ḡulbeinḡrḡas. Osim nanḡi wau bole yḡajḡa asḡinḡrḡas.

*Pol a kanḡal tamo nanḡo wau ḡa gate nanḡi ti anjam minḡrej*

<sup>22</sup> O kanḡal tamo, ninḡi gaigai nunḡo wau ḡa gate nanḡo anjam dauryoḡniy. Ninḡi ḡisaḡ na nanḡo ḡamdamuḡ di laḡa wau bole yobulaib. Ninḡi Tamo Koba a ḡa ulaosib gaigai are bole na nunḡo wau ḡa gate nanḡi ḡa wau bole yoḡniy.

<sup>23</sup> Wau kalil ninḡi nanḡi ḡa yeḡnub ḡaji di ninḡi siḡgila na yoḡniy. Ninḡi mandam tamo nanḡi ḡa wauosaieḡnub. Ninḡi Tamo Koba a ḡa waueḡnub.

<sup>24</sup> Ninḡi ḡalie, mondoḡ Tamo Koba a na ninḡi awai boledamu enḡwas. Awai di a nami aḡa segi tamo unḡasari nanḡi enḡrḡa mareḡ. Ninḡi are ḡaliy. Ninḡi Tamo Koba Kristus aḡa kanḡal tamo unub. A segi nunḡo Wau ḡa Gate.

<sup>25</sup> Tamo unḡasari une ateqnub ḡaji nanḡi Qotei na kamba awai uḡe enḡrḡas. Aḡa ḡamḡalaḡ di tamo unḡasari kalil nanḡi kerekere unub deḡa a kumbra ḡujai na nanḡi peginḡrḡas.

## 4

<sup>1</sup> O wau qa gate, ningi nungo kanjal tamo nanngi kumbra bole enjroqniy. Ningi qalie, nungo Gate dego unu. Agi a laŋ qureq di unu.

### *Ningi gaigai sinjila na Qotei pailyoqniy*

<sup>2</sup> Ariya ijo was, ningi gaigai sinjila na Qotei pailyoqniy. Ningi aqarataib. Ningi pailyoqnsib areqalo bole ti sosib Qotei binjyoqniy.

<sup>3</sup> Ningi iga qa dego Qotei pailyoqniy. Ningi endegsib pailyoqniy, “O Abu, ni na Pol aqa wau qujai nanngi ti gam waqtetnjroqnimqa nanngi medabu waqtoqnsib Kristus aqa anjam nami uliesoqnej qaji di mare mare laqnqab.” O ijo was ningi quiy. Jeu tamo nanngi Kristus aqa anjam di dauryqa asginjreqnu deqa nanngi e ojsib tonto talq endi waibeb unum.

<sup>4</sup> Deqa ningi e qa endegsib pailyoqniy, “O Abu, ni na Pol aqa medabu sinjilatetimqa a ino areqalo dauryoqnsim Kristus aqa anjam geregere palon-toqnqas.”

<sup>5</sup> O ijo was, ningi areqalo bole dauryoqnsib tamo ungasari Yesus qaliesai qaji nanngo ambleq di kumbra bole bole yoqniy. Bati soqnim ningi Kristus aqa kumbra nanngi osornjroqniy.

<sup>6</sup> Ningi tamo ungasari nanngo are boletetnjrqa oqnsib anjam bole segi gaigai minjroqniy. Tamo qudei na ningi anjam bei nenemngibqa ningi kamba anjam kiyersib minjrqa oqnsib geregere are qaloqnsib minjroqniy.

*Pol a Tikikus Onesimus wo qariŋnjrnaq nanngi Kolosi Kristen nanngoq gileb*

<sup>7</sup> E na Tikikus qarinyonum nungoq bqo. A ijo wau kalil qa ningi saingwas. Tikikus a gago wau qujai. A gago Kristen was bole. A Tamo Koba aqa wau tamo bolequja.

<sup>8</sup> E na a qarinyonum nungoq bqo. Iga kiyersim unum di a na ningi saingim qusib dena nungo are singilatqab.

<sup>9</sup> E na Onesimus dego qarinyonum a Tikikus ombla nungoq bonub. A dego gago Kristen was bole. A nungo len qujai. Nanngi aiyel nungoq bosib gago kumbra kalil qa ningi saingwab.

### *Pol na Kolosi Kristen nanngi kaiyeinjrej*

<sup>10</sup> Aqo Aristarkus wo ombla tonto talq endi waigeb unum. Aristarkus a na ningi kaiyeingwo. Mak a Barnabas aqa gagai. A dego ningi kaiyeingwo. Mak a nungoq bo degamqa ningi a osib geregereiyiy. Agi e nami a qa anjam nengrenyosim nungoq qarinyem.

<sup>11</sup> Jastus a dego ningi kaiyeingwo. Aqa ñam bei Yesus. A Tamo Koba Yesus aqa wa. Nanngi qalub Juda tamo. Juda tamo qudei nanngi e ombla Qotei aqa wau ojosaieqnub. Nanngi segi qalub e ombla Qotei aqa wau ojeqnum. Qotei na aqa segi tamo ungasari nanngi taqatnjrsim nanngo Mandor Koba sqas anjam di nanngi segi qalub e aqaryaiboqnsib mare mare laqnub. Juda tamo bei na degyo-saieqnu.

<sup>12</sup> Epafras a dego ningi kaiyeingwo. A nungo len qujai. A Kristus Yesus aqa wau tamo. A gaigai singila na ningi qa endegsi pailyeqnu, “O Qotei, ni na Kolosi Kristen nanngi aqaryainjrimqa nanngi

siŋgila na tigeloqnsib ino kumbra bole kalil kere-toqnsib ino areqalo geregere qalieqab.” Epafras a niŋgi qa degsi pailyeqnu.

<sup>13</sup> O ijo was, e niŋgi endegsi mernɣwai. Epafras a gaigai niŋgi qa are qaloqnsiq deqa a wau koba yeqnu. A niŋgi qa ti Laodisia Kristen naŋgi qa ti Hierapolis Kristen naŋgi qa ti are qaloqnsiq deqa wau koba yeqnu.

<sup>14</sup> Ariya Luk a dego niŋgi kaiyeiŋwo. A yu qaŋgra tamo. Iga a tulaŋ qalaqalaiyeqnum. Demas a dego niŋgi kaiyeiŋwo.

<sup>15</sup> O was niŋgi ijo kaiye anjam endi osib Laodisia Kristen naŋgi dego minjriy. Osib Kristen tamo uŋgasari Nimfa aqa talq di korooqnsib loueqnub qaji naŋgi a ti ijo kaiye anjam endi osib naŋgi minjriy.

<sup>16</sup> Niŋgi ijo anjam kalil e neŋgrenɣyonum qaji endi sisiyosib koboamqa qarinyib Laodisia Kristen naŋgoq gilimqa naŋgi dego sisiyqab. E anjam bei dego nami neŋgrenɣyosim Laodisia Kristen naŋgoq qarinyem. Ijo anjam di naŋgi na kamba olo nuŋgoq qarinyib niŋgi sisiyoiy.

<sup>17</sup> Ariya niŋgi na Arkipus endegsib minjiy, “Qotei a ni wau emej deqa wau di ni na geregere taqatosim wauoqne.”

<sup>18</sup> E Pol. Ijo anjam bosiq endi koboqo. Deqa e ijo segi baŋ na kaiye anjam endi neŋgrenɣyosim nuŋgoq qarinyonum. E tonto talq endi unum deqa niŋgi e uratbaib. Niŋgi e qa are qaloqnsib soqniy. O ijo was, Qotei a niŋgi qa are boleiyeme. Bole.

**Yesus Aqa Anjam Bole 2014**  
**The New Testament in the Anjam language of Papua**  
**New Guinea, 2014 revision**  
**Nupela Testamen long tokples Anjam long Niugini,**  
**2014**

copyright © 2014 Wycliffe Bible Translators, Inc.

Language: Anjam

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-04-28

---

PDF generated using Haiola and XeLaTeX on 28 Dec 2024 from source files dated 31 Aug 2023

0eb339dc-c20a-5065-9483-338933d97585